

# 佛說九橫經

後漢沙門安世高譯



南無本師釋迦牟尼佛

## 說明

本繁體校正版《佛說九橫經》电子书，根據《乾隆大藏經》小乘單譯經，第 0760 部，後漢沙門安世高譯《佛說九橫經》影印本校正，句讀僅供參考。

本電子書是免費結緣品，特此說明。

仁慧草堂

二〇一九年四月



掃碼關注仁慧草堂微信公眾號

## ●起誦儀

### 香讚

(一編)

爐香乍爇. 法界蒙薰. 諸佛海會悉遙聞. 隨處結  
祥雲. 誠意方殷. 諸佛現全身.

南無香雲蓋菩薩摩訶薩 (合掌三稱)

南無本師釋迦牟尼佛 (合掌三稱)

### 開經偈

(一編)

無上甚深微妙法 百千萬劫難遭遇  
我今見聞得受持 願解如來真實義

# 佛說九橫經

後漢沙門安世高譯<sup>1</sup>

佛在舍衛國。祇樹。給孤獨園。

佛便告比丘：「有九輩九因緣，命未盡便橫死。一者，為不應飯為飯；二者，為不量飯；三者，為不習飯飯；四者，為不出生；五者，為止熟；六者，為不持戒；七者，為近惡知識；八者，為入里不時不如法行；九者，為可避不避。如是為九因緣，人命為橫盡。

「一、不應飯者，名為不可意飯，亦為以飽腸<sup>2</sup>不停調。

「二、不量飯者，名為不知節度多飯過足飯<sup>3</sup>。

「三者<sup>4</sup>、不習飯者，名為不知時冬夏，為至他國郡，不知俗宜，不能稍<sup>5</sup>飯，食未習故。

「四、不出生者，名為飯物未消，復上飯，不服藥吐下，不時消。

<sup>1</sup> 大正藏：後漢安息國三藏安世高譯

<sup>2</sup> 大正藏：腹；永樂北藏及龍藏：腸

<sup>3</sup> 大正藏：過足；永樂北藏及龍藏：過足飯

<sup>4</sup> 大正藏：三；永樂北藏及龍藏：三者

<sup>5</sup> 大正藏：消；永樂北藏及龍藏：稍

「五、為止熟者，名為大便小便來時，不即時行，噫吐嘔下風來時制。

「六、不持戒者，名為犯五戒，殺、盜、犯他人婦、兩舌、飲酒，亦有餘戒，以犯便入縣官，或絃死，或捶杖利刃所斫刺，或辜飢渴而終；或以得脫，從怨家得手死，或驚怖念罪憂死。

「七、為近惡知識者，名為惡知識，已作惡便及<sup>6</sup>坐。何以故？坐不離惡知識故，不覺善惡，不計惡知識惡，能<sup>7</sup>不思惡知識惡。

「八、為入里不時者，名為冥行，亦里有諍時行，亦里有縣官長吏追捕不避，不如法行者，入里妄入他家舍中，妄見不可見，妄聽不可聽，妄犯不可犯，妄說不可說，妄憂不可憂，妄索不可索。

「九、為可避不避者，名為當避慙<sup>8</sup>象、慙<sup>9</sup>馬、牛奔<sup>10</sup>、車、蛇虺、坑井、水火、拔刀、醉人、惡人，亦餘若干惡。如是為九因緣輩，人命未盡當坐是盡，慧人當識當避是因緣，以避乃得兩福。一者，得長壽；二，以長壽乃得聞道好語言，亦

<sup>6</sup> 大正藏：反；永樂北藏及龍藏：及

<sup>7</sup> 大正藏：慙；永樂北藏及龍藏：能

<sup>8</sup> 大正藏：弊；永樂北藏及龍藏：慙

<sup>9</sup> 大正藏：弊；永樂北藏及龍藏：慙

<sup>10</sup> 大正藏：犇；永樂北藏及龍藏：奔

能行。」

諸比丘歡喜受<sup>11</sup>。

佛說九橫經

---

<sup>11</sup> 大正藏：受行；永樂北藏及龍藏：受

## ● 結誦儀

### 補闕圓滿真言

(三編)

唵. 呼嚧呼嚧. 社曳穆契. 莎訶

### 普回向真言

(三編)

唵. 娑麼囉. 娑麼囉. 弭麼曩. 薩嚩訶. 摩訶斫  
迦囉嚩吽

南無本師釋迦牟尼佛 (合掌三稱)

南無護法諸天菩薩 (合掌三稱)

### 迴向偈

(一編)

願以此功德 莊嚴佛淨土  
上報四重恩 下濟三途苦  
若有見聞者 悉發菩提心  
盡此一報身 同生極樂國

十方三世一切佛. 一切菩薩摩訶薩. 摩訶般  
若波羅蜜.

## 三皈依

(一編)

自皈依佛，當願眾生，體解大道，發無上心；  
自皈依法，當願眾生，深入經藏，智慧如海；自  
皈依僧，當願眾生，統理大眾，一切無礙。和南  
聖眾。



此咒置經書中可滅誤跨之罪



南无护法韦驮尊天菩萨

